



SLUŽBA ZA REVIZIJU FINANSIRANJA POLITIČKIH STRANAKA

Broj: 03-S-7/10
Sarajevo, 21.12.2010. godine

CENTRALNA IZBORNA KOMISIJA BiH O V D J E

PREDMET: Informacija o dostavljenim Postizbornim finansijskim izvještajima političkih stranaka i nezavisnih kandidata - Opšti izbori 2010. godine

U skladu sa odredbama člana 15.1 stav (1) Izbornog zakona Bosne i Hercegovine („Službeni glasnik BiH“, broj 23/01, 7/02, 9/02, 20/02, 25/02, 4/04, 20/04, 25/05, 52/05, 65/05, 77/05, 11/06, 24/06, 32/07, 33/08, 37/08 i 32/10) i člana 11. stav (2) Zakona o finansiranju političkih stranaka („Službeni glasnik BiH“ broj 22/00, 102/09 i 54/10) sve političke stranke i nezavisni kandidati koji su učestvovali na Opštim izborima 2010. godine su imali obavezu da Centralnoj izbornoj komisiji BiH podnesu postizborni finansijski izvještaj u roku od trideset dana od dana objavljivanja izbornih rezultata u Službenom glasniku BiH, odnosno do 02.12.2010. godine.

Služba za reviziju finansiranja političkih stranaka je dana 19.11.2010. godine, svim političkim strankama i nezavisnim kandidatima koji su učestvovali na Opštim izborima 2010. godine upitala obavještenje, kojim im se ukazuje na obavezu podnošenja postizbornih finansijskih izvještaja u skladu sa odredbama člana 15.1 stav (1) Izbornog zakona BiH i člana 11. stav (2) Zakona o finansiranju političkih stranaka.

Na Opštim izborima 2010. učestvovalo je 70 političkih subjekata (46 političkih stranaka, 11 koalicija i 13 nezavisna kandidata).

Centralnoj izbornoj komisiji BiH Postizborni finansijski izvještaj je dostavilo 40 političkih stranaka ili 86,96 % od broja stranaka koje su učestvovala na izborima (Prilog br. 1.). Što se tiče nezavisnih kandidata, postizborni finansijski izvještaj je dostavilo njih 8 ili 61,54% od ukupnog broja nezavisnih kandidata koji su učestvovali na izborima (Prilog br. 1.1.)

Postizborni finansijski izvještaj nije dostavilo 6 političkih stranaka i 5 nezavisnih kandidata. (Prilog br. 2)

TROŠKOVI KAMPANJE


Limit na troškove kampanje

Za finansiranje izborne kampanje u skladu sa članom 15.10. Izbornog zakona BiH politički subjekti u okviru zakonom propisanog limita mogli su potrošiti 65.049.749,10 KM, od čega političke stranke 62.063.319,40 KM i nezavisni kandidati 2.986.429,70 KM .

Uvidom u podatke koje su politički subjekti iskazali na obrascima 4-2 Postizbornih finansijskih izvještaja, utvrđeno je da su svi politički subjekti postupili u skladu sa odredbama člana 15.10 Izbornog zakona BiH, odnosno izbornu kampanju su finansirali u okviru zakonom propisanog limita.

U postizbornim finansijskim izvještajima svi politički subjekti skupa su iskazali troškove izborne kampanje u iznosu od 10.020.563,17 KM, od čega političke stranke 10.018.340,95 KM, a nezavisni kandidati 2.222,22 KM. (Prilog 3.)

Na narednom grafikonu za 17 političkih stranaka koje su imale troškove izborne kampanje veće od 100.000,00 KM prikazan je uporedni pregled dozvoljenih i ostvarenih troškova.




- Dozvoljeni troškovi kampanje u skadu sa Izbornim zakonom BiH
- Ostvareni troškovi

Struktura troškova kampanje

Strukturu troškova kampanje (prilog br. 5) u periodu od podnošenja prijave za ovjeru za Opšte izbore 2010. do dana objave rezultata izbora čine:


- Troškovi štampanja plakata	1.428.000,47 KM	14,25 %
- Troškovi plakatiranja	700.041,72 KM	6,99 %
- Troškovi štampanja predizbornih oglasa, proglašenja, saopštenja i sl. u javnim glasilima	3.060.860,15 KM	30,56 %
- Troškovi organizacije i održavanja predizbornih skupova	1.404.446,74 KM	14,02 %
- Troškovi štampanja, umnožavanja i slanja predizbornog materijala biračima	884.958,72 KM	8,83 %
- Ostali troškovi propagande	2.540.006,15 KM	25,35 %
UKUPNO	10.018.340,95 KM	100,00%

Struktura troškova izborne kampanje može se predstaviti na sjedeći način:



Uporedni pregled troškova izborne kampanje u periodu 2006. - 2010. godina


Ukoliko se troškovi izborne kampanje za Opšte izbore 2010. godine uporede sa troškovima kampanje u 2006. i 2008. godini, evidentan je njihov porast od 19,34% u odnosu na troškove kampanje za Opšte izbore 2006. godine, odnosno porast od 20,50% u odnosu na troškove izborne kampanje za Lokalne izbore 2008. godine. (Prilog 4.2.)



IZVORI FINANSIRANJA


U periodu od podnošenja prijave za ovjeru za Opšte izbore 2010. do dana objave rezultata izbora političke stranke su u finansijskim izvještajima iskazale ukupne prihode u iznosu od 16.345.443,68 KM, čiju strukturu čine (Prilog br.6) :

- Članarine	681.902,21	KM	4,17 %
- Prilozi fizičkih lica	3.298.916,12	KM	20,18 %
- Prilozi pravnih lica	828.158,86	KM	5,07 %
- Prihodi od imovine	381.476,02	KM	2,33 %
- Prihodi od pravnih osoba	3,49	KM	0,00 %
- Prihodi od poklona	59.497,93	KM	0,36 %
- Prihodi iz budžeta	11.039.194,75	KM	67,54 %
- Ostali prihodi	56.294,30	KM	0,34%
U K U P N O	16.345.443,68	KM	100,00%



Istovremeno, političke stranke su na dan 02.11.2010. godine (zadnji dan izvještajnog perioda) iskazale obaveze u iznosu od 8.269.527,12 KM.

Iz navedenog proizilazi da procenat finansiranja političkih stranaka u ovom izvještajnom periodu iz vlastitih izvora (prihoda političkih stranaka) u procentu iznosi 66,40%, dok finansiranje iz tuđih izvora (obaveze političkih stranaka – zajmovi, lizing, dobavljači, obaveze prema zaposlenim i sl.) procentualno iznosi 33,60%.



Sastavni dio ove informacije su tabele, koje se nalaze u prilogu.

PRILOZI:

- Prilog 1. i 1.1. Evidencija o dostavljenim postizbornim finansijskim izvještajima
- Prilog br. 2. Evidencija o nedostavljenim postizbornim finansijskim izvještajima
- Prilog br. 3 Zbirni pregled ukupno ostvarenih troškova izborne kampanje
- Prilog 4. i 4.1. Pregled dozvoljenih troškova izborne kampanje u skladu sa članom 15.10 Izbornog zakona BiH
- Prilog 4.2. Uporedni pregled troškova izborne kampanje u periodu 2006. do 2010. godine
- Prilog 5. i 5.1. Pregled strukture troškova izborne kampanje po političkim subjektima za Opšte izbore 2010. godine
- Prilog 6. i 6.1. Pregled izvora finansiranja političkih subjekata u periodu izborne kampanje za Opšte izbore 2010. godine